

COPIA AUTÉNTICA. El documento electrónico ha sido aprobado. Este documento ha sido firmado por INTERVENCIÓN GENERAL. AYO A CORUÑA a las 15:50 del día 01/08/2023, Dir. Área de Economía, Facenda e Réxime Interior (MANUEL ANGEL JOVE LOSADA) a las 12:33 del día 04/08/2023, Concelleiro delegado responsable da Área de Economía e Planificación Urbana, José Manuel Lage Tuñas (JOSE MANUEL LAGE TUNAS) a las 14:06 del día 08/08/2023 y por ACTIVIDAD CORPORATIVA. AYO A CORUÑA a las 14:06 del día 08/08/2023. Mediante el código de verificación 205C4L66371A0X460PBK puede comprobar la validez de la firma electrónica de los documentos firmados en la dirección web https://sede.coruna.gal/Anotada en el Libro de Resoluciones por delegación de la JGL con el núm. COR/RES/15124/2023 el 08/08/2023



Ayuntamiento de A Coruña
Concello da Coruña

Anotada en el Libro de Resoluciones de la Junta de Gobierno Local, con el núm: RES/AYT/15124/2023 08/08/2023

Area / Unidade RR.HH PE0000 AMG	Documento 10817I0885	
Código de verificación  205C 4L66 371A 0X46 0PBK	Expediente 108/2023/1045	
	Data 01-08-2023	

Asunto: Cobertura, en comisión de servizos, do posto de Xefatura de Sección de Patrimonio e Reclamacións Patrimoniais (ref. posto 1943).

RESOLUCIÓN

ANTECEDENTES DE FEITO

Primeiro.- O xefe de Servizo de Atención Cidadá e Interior, remite ao Servizo de Recursos Humanos unha solicitude de convocatoria pública para a cobertura, mediante comisión de servizos, do posto de Xefatura de Sección de Patrimonio e Reclamacións Patrimoniais, nº de referencia 1943.

Dita cobertura temporal de posto solicítase por non estar cuberto o posto (dende hai máis de sete anos) nin os postos de bens Histórico-Artísticos, e polo incremento da carga de traballo na tramitación dos expedientes de reclamacións patrimoniais (instruídos por persoal de carácter interino), moitos xudicializados, así como pola coordinación na xestión do inventario de bens inmoables; co fin de axilizar e racionalizar a xestión dos expedientes de reclamacións patrimoniais e do patrimonio mobiliario do Concello, e así acadar os obxectivos do servizo neste aspecto. A non cobertura do posto, podería poñer en risco a continuidade do desenvolvemento das actividades encomendadas, no Servizo de Atención Cidadá e Interior.

Segundo.- O Servizo de Recursos Humanos publica un anuncio de convocatoria para a cobertura temporal, entre outros, do seguinte posto de traballo:

1. Xefatura de Sección de Patrimonio e Reclamacións Patrimoniais (referencia 1943).

No citado anuncio, indícase que o persoal funcionario de carreira, que conforme a RPT vixente e as normas de xestión, reúnan os requisitos necesarios para a ocupación de este posto de traballo e que queiran participar nesta convocatoria, deberán presentar a correspondente solicitude nun rexistro municipal ou na sede electrónica, acompañada dun currículo, no prazo de 5 días hábiles, a contar desde a publicación deste anuncio.

Terceiro. As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Atención Cidadá e Interior	IT2100	Patrimonio e Reclamacións Patrimoniais	Xefe/a de Sección	1943	A1/A2	24	AX	FR11

CONSIDERACIÓNS LEGAIS E TÉCNICAS

Primeira.- O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reserváraselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 1943 de Xefatura de Sección de Patrimonio e Reclamacións Patrimoniais, actualmente atópase vacante.

Segunda.- O xefe de Servizo de Recursos Humanos, co conforme do Director da Área de Economía, Facenda e Réxime Interior, en informe con código seguro de verificación 3J6C 233D 0G6P 1I1K 1419, unha vez examinadas as solicitudes recibidas e os CV dos candidatos presentados, así como o xefe de Servizo de Atención Cidadá e Interior no informe con código de verificación 3V6S5Q1B4S313A3T0MU5 emiten unha proposta de nomeamento de Dona Natalia María Criado Castro, en comisión de servizos, no posto de Xefatura de Sección de Patrimonio e Reclamacións Patrimoniais, (nº ref. 1943) por ser a candidatura máis idónea de conformidade coa súa formación e experiencia. Todos estes méritos de maior idoneidade facilitan o desenvolvemento inmediato e eficaz (art. 103 C.E.) das tarefas que motivaron a tramitación urxente desta comisión de servizo.

Terceira.- Cómpre indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galiza, a cal establece que ao tratarse dun sistema excepcional e temporal non require un proceso de selección ordinario no que exista unha publicidade dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle un plus de discrecionalidade á Administración convocante, respectando sempre os principios de igualdade, mérito e capacidade.



Considerando a urxente necesidade de cobertura do posto de Xefatura de Sección de Patrimonio e Reclamacións Patrimoniais, (nº ref. 1943) e co fin de que non se produza discontinuidade no funcionamento do Servizo de Atención Cidadá e Interior, e tendo en conta o disposto nos arts. 81 e 84 do Real Decreto Legislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 101 da Lei de Bases de Réxime Local e o art. 96 e ss da Lei 2/2015, de 29 de abril, do emprego público de Galicia e o art. 3 do Decreto da Xunta de Galicia 93/1991 de 20 de marzo e demais normas concordantes, así como que a funcionaria proposta reúne os requisitos, procede destinar a Dona Natalia María Criado Castro, en comisión de servizos, ao posto de traballo de Xefatura de Sección de Patrimonio e Reclamacións Patrimoniais co número 1943 na RPT.

Cuarta.- Esta comisión de servizos ten carácter temporal e a súa duración será ata o 30 de setembro de 2023. Dita comisión de servizos pode prorrogarse ata unha duración máxima de dous anos ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Código	Unidade Org.	Posto	Ref.Posto	G	N	Esc	C.E.
Atención Cidadá e Interior	IT2100	Patrimonio e Reclamacións Patrimoniais	Xefe/a de Sección	1943	A1/A2	24	AX	FR11

Quinta. O posto de orixe de Dona Natalia María Criado Castro, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Orzamentos e Estudos Económicos	SH0000	Orzamentos e Estudos Económicos	Xestor Económico-Orzamentario	81	A2	22	AX	FR09 ED

Sexta.- Os custos que xenere esta comisión de servizos atópanse orzados no grupo de programa 920, existindo crédito adecuado e suficiente para iso.

Sétima.- O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 05/07/2023 (BOP número 131 de 11/07/2023), atribúese delegación xenérica en materia de xestión de persoal ao concelleiro delegado de Economía e Planificación Urbana.

Á vista do informe emitido polo Servizo de Recursos Humanos, o Concelleiro responsable da Área de Economía e Planificación Urbana por delegación da Xunta de Goberno Local do 05/07/2023 (BOP núm. 131 do 11/07/2023), en uso das facultades que ten conferidas,

RESOLVE:

1. Destinar a Dona Natalia María Criado Castro (NIF **8217***), en comisión de servizos, ao posto de Xefatura de Sección de Patrimonio e Reclamacións Patrimoniais (nº ref. 1943).

As características do posto a ocupar son as descritas na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Atención Cidadá e Interior	IT2100	Patrimonio e Reclamacións Patrimoniais	Xefe/a de Sección	1943	A1/A2	24	AX	FR11

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será ata o 30 de setembro de 2023. Dita comisión de servizos pode prorrogarse ata unha duración máxima de dous anos ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución á interesada, ao xefe de Servizo de Atención Cidadá e Interior e á xefatura de Servizo de Orzamentos e Estudos Económicos.

A Coruña, na data da sinatura electrónica deste documento

A XUNTA DE GOBERNO LOCAL, P.D.
Concelleiro delegado responsable da Área de Economía e Planificación Urbana
José Manuel Lage Tuñas